

Inatsisartut suleriaasianni § 37 immikkoortoq 1 naapertorlugu matumuuna Naalackersuisunut apeqqutit imaattut saqqummiuppakka:

- 1. Nunatta sineriaani radio-mik naalaarniarneq pitsaaneruleqqullugu mellembølgep atuutileqqitsinneqarnissaa Inatsisartut qangalili aalajangereerpaat. Maanna ukiut arlalinngorput mellembølge matuneqarmalli sulilu atuutilersinneqaqqinnani. Qaquguuna mellembølge atuutileqqinniartoq?**
- 2. Ulluni kingullerni Inatsisartuni ilaasortatut saaffiginnissutaasalerpoq ingerlatinneqaqqusaallunilu, tassa ajunaalernermi kalerrisaarinermi isumalluutigineqartartoq illoqarfimmi Aasianniittoq attaveqarfiginiaraluarlugu akisoqartannginnera tiguneqartannginneralu naammagineqanngilluinnarami, allaat ajunaalerfimmi ikiortiserineqarnermini akisinnaasarani attaveqarfigineqarsinnaanani. Sunamita peqquataava? Mellembølgep atorunnaanera peqquataava?**
- 3. Nunatta kitaata sineriaaniinnaanngitsoq kangerluppasuarnili piliniarlutik inuppasuit maanna aasisut radio-milluunniit tusarnaarsinnaanatik nutaarsiassanillu tusaasinnaanatik aallaarsimaarrapput, ilaquttaminnulluunniit attaveqarsinnaanngillat attaveqarfigineqarsinnaanatik, Mobili signaleqanngittoq aamma atorsinnaannginnamikku. Taamatut ajutoornissamulluunniit sillimasoqanngilluinnarnera inunnik naleqariaannaammat akuersaaruminaalluinnarpoq. Tamanna Naalackersuisut qanoq iliuuseqarfiginiarpaat?**

(Ruth Heilamann, Siumut)

Tunngavilersuut:

Naalackersuisut siuliisa mellembølge atorunnaarsippaat neriorsuisoqarlunilu allatut teknikkikkut iliuuseqarluni piaarnerpaamik aaqqiisoqarnissaanik. Tamanna utaqqikatanneqarmat Inatsisartuni siunnersuutaavoq Mellembølge atuutilersinneqaqqissasoq piaarnerpaamik. Kiisa ukiut sisamanngulerput mellembølge matuneqarmalli sulilu susoqarani. Aalisartut piniartut savaatillit allallu sinerissami angalasut innuttaaqataasullu utaqqikatalluinnarpugut iliuuseqarnissamut. Taamaattumik Naalackersuisut apererusunnarput qaqugu aaqqiissuteqarniarnersut.